



## Universitätsbibliothek Paderborn

**R. P. Maximiliani Sandaei E Societate Iesv Doctoris  
Theologi Architectvra Christiana**

**Sandaeus, Maximilianus**

**Coloniæ Agrippinæ, 1653**

2. Sodalis Parthenius sit oportet Ædificator Domus Sapientiæ.

[urn:nbn:de:hbz:466:1-46065](#)

tamen esse debere assero Sodalem Marianum. At qualem? S. Basilius in caput quintum Isaiæ, duplitem docet esse speciem Ædificandi, unam bonam, ac laude dignam; alteram malam & damnandam: quare distinguit Ædificatorem in bonum & malum. Malum designavimus ab opere multiplici, sed adde: Non debere esse Ædificatorem Caupone, ad quam divertant ebriosi, qui in consortium adsciscantur, nepotuli: non stabuli, in quo tumultuantur pecudes perturbationum: non Popinae, ad quam convolent gulæ dediti: non Tonstrinae, quam occupet Curiositas: non Gurgustii, in quo lateat lascivia: non Armamentarii, in quo dominetur furor: non rusticani Mapalis, aut Tugurii, vilibus & agrestibus apti incolis domicilii. Sed debere esse Ædificatorem bonum.

## ARTICULUS II.

B. MARIE V.

SODALIS STUDIOSUS

**A**EDIFICATOR si oportet amplissimi Palatii, augeustissimæ regiæ, imperatorii habitaculi, basilicæ divinæ, ne rite; DOMUS SAPIENTIÆ, quam, ut singuli Ædificant strenue, utinam persuadere possem omnibus. Nec alienum à se putent Sapientiæ candidati ejusdemque Clientes, quales nos omnes sumus, munus, aut opificium Ædificandi: Nam Domina Nostra, Sapientia ipsa Ædificavit, ipsa fundamentum posuit, ipsa parietes erexit; ipsa contignationes aptavit, &c disposuit, ipsa conclavia distinxit ipsa substructionem in altum eduxit: ipsa Artificem & Architectricem egit; immò, Latomam, & Murariam: hæc enim omnia continentur breui illa sententia, Sapientia Æ-

D I-

## ARCHITECTUS CHRISTIANUS. 32

DIFICAVIT Sibi Domum: ne nobis indecorum putemus,  
aut nobilitate nostrâ, qui Sapientiæ operam damus, in-  
dignum, ÆDIFICARE. Quod quidem est adeò con-  
sentaneum rationibus, muneribusque Sodalium, ut ijs,  
peculiari quodam nomine, aut epitheto, minus qui-  
dem Latinè, sed in Ecclesiâ Christiana per quam vñita-  
to, dicantur Ædificatiui, aut Viri Ædificationis. Phrasî S.  
Pauli Apostoli, qui eximiè pios Thessalonicenses hor-  
tabatur, quod initio præfabar.

ÆDIFICATE alterutrum. Quid est, Ædificate alteru-  
trum: Græcè οἰκοδομή, id est unus unum, alius aliud, seu  
vos mutuo, invicem. Haud dubiè est metaphora de-  
sumpta ab Ædificatoribus: Quemadmodum enim  
qui murum ædificat, eumque sensim erigit, & attollit,  
lapidem lapidi jungendo, & deinde cum plures fue-  
rint, tectum imponit, sicque domum perficit: ita qui in  
Anima suâ unam virtutem alteri copulat, & imponit,  
qui fidem, spem, caritatem, prudentiam, justitiam for-  
titudinem, temperantiam, & his adnexas virtutes con-  
jungit, ædificium quoddam honestatis ac religionis ex-  
truit. Qui verò Christianè vivendo, suâ sobrietate, mo-  
destia, lenitate, patientia, devotione proximum erigit &  
excitat, is eum ad similia incitando, Ædificare dicitur: ni-  
mirum, ut in ipso fiat Domus, immò, ut ipse fiat Do-  
mus, & Templum sanctum Augustumque, in quo in ha-  
bitet, & colatur Dominus. Ne dicas, inquit; Theophyla-  
ctus, locum illum Pauli exponens: non sum Doctor, non  
sum Magister in artibus, non sum Praeceptor rudium: ad-  
damus nos: Non sum Ecclesiasticus, non Concionator,  
non Religiosus: alios docere, & Ædificare non teneor.  
falleris, ac temet ipsum decipis: Doctores, Magistri,  
Religiosi, non sufficiunt ad singulorum & omnium ad-  
monitionem, doctrinam, exemplum; sed vult D E u s.  
quemcumque alium instruere se, ac proximum, & Æ-  
ÆDIFICARE.

Vult

Vult Superiorem, sive politicum, sive Ecclesiasticum, & edificare subditos, religione erga Deum, commiseratione erga afflitos, liberalitate erga pauperes, affabilitate erga omnes. Vult subditum & edificare Magistratum, obedientia legum, veneratione superiorum, amore concivium, ac quorumcunque æqualium. Vult Patrem familias & edificare domesticos, verbo, & exemplo: Verbo instructionis bene instituendo, monendo, arguendo consolando, reprehendendo: exemplo vigilantiæ, sobrietatis, continentiae, mansuetudinis, pietatis. Vult Filium familias & edificare fratres, ac sorores, amore, ne dicatur: fratrum quoque gratia rara est in domo illâ; obsequendi promptitudine, modestia. Vult studiosum litterarum & edificare Socios, vigilantia, diligentia, laborandi assiduitate. Vult Medicum & edificare ægros, indefessa cura, humanitate, longanimitate. Vult Jurisperitum & edificare opis indigos suæ, accurata causæ discussione, Juris sincera declaratione, in justitiæ demonstratione, denique pauperum patrocinio. Vult Judicem & edificare reos & actores, depositione affectus proprii, sententiæ æquitate, supplicii diminutione potius, quam exaggeratione. Vult Principem Ecclesiasticum & edificare suos Clericos, reprehensione ad commendationem, devotione ad sanctitatem, exemplo ad omnem virtutem statui clericali convenientem.

TALIS fuit & EDIFICATOR S. ANNO Coloniensis Archiepiscopus, cuius festum colit hoc tempore Coloniensis Ecclesia. De quo tria sunt in hoc genere imitatione digna. Primum, reprehensio gravis & efficax Clerici, quem animadvertis in Trini Numinis glorificatione; quæ psalmis in choro subjungitur, Filii personati omittere, nil moratus eum cortipuit: & sequuta mox est emendatio Secundum, deuotio peculiaris erga Sanctissimam TRINITATEM & DEIPARA-

RAM;

RAM, cuius erat studiosissimus Sodalitatis Marianæ institutor & conservator. Ejus patrocinio utendum, nitendumque esse prædicabat; & vt facerent ii, quibus prærerat, frequenter admonebat. *Tertium*, virtutum Principi Ecclesiastico maximè convenientium exercitatio: nam revera ANNO Archiepiscopus omnium Pastoralium virtutum laude, imprimisque, solicitudinis, zeli, religionis, benignitatis & misericordiæ enituit, PRINCEPS, si quis alias, ÆDIFICATIVVS.

Qui sibi commissos monendo, & exstimulando ad altiora, usurpabat haud dubiè illud Apostoli: *Ædificate alterutrum*; Clericus Clericum, Aulicus Aulicum, Sodalis Sodalem, professione cultus Mariani, exactâ mandatorum Dei obseruatione, consiliorum Evangelicorum spontanea susceptione, Sacramentorum frequētatione, pietatis, humanitatisqûe, inter se ac cum alijs officijs. Fortasse bonus Pastor adiungere potuit de suis Coloniensibus, quod subdit feruens Zelator, amatorqûe gregis Paulus de suis thessalonicensibus, eos commendans ab hac metaphorâ Domus Sapientiæ ædificatione: *Sicut & facitis*. Vtinam de nobis idem posset usurpari! Sed si non fecimus hactenus, emendemus in melius, quod vel ignorantes, vel negligentes peccauimus.

## ARTICVLVS III.

## CARITAS ÆDIFICAT.

*Per quam Ædificator constituitur*

## SODALIS MARIANUS.

FREQUENTER ab Architecturâ petitâ metaphorâ utitur Doctor Gentium, ut exstimulet fideles. & inter illos potissimum D e o peculiariter caros, quales sunt, si nomini suo respondeant, Parthenii Sodales, ad

Prima pars

C

Ædi-